

Inatsisissatut siunnersuummut nassuiaatit

Nassuiaatit nalinginnaasut**1. Aallaqqaasiut**

Maannakkut ataatsimoortumik akiliisitsisarnermut taarsiullugu ataasiakkaanut kiassarnermut uuttuusersuinissaq pillugu nassuiaammik suliaqarnissamik Naalackersuisut peqquneqarnissaat pillugu, immikkoortoq UPA2016/53-ip ataani Inatsisartut aalajangiiffigisaannut, siunnersuut malitseqartitsissutaavoq. Nassuiaammi inissiani attartortittakkani Nukissiorfinniit kiassarnermik pilersorneqartuni inissiani ataasiakkaanut kiassarnermut uuttuusersuisinnaanissamut aningaasaqarnikkut teknikkikkullu aaqqiissutissat paasinarsisinneqaqquneqarput. Tamatuma saniatigut kiassaateqarfiit kissarsuuteqarfiillu qaqugu Nukissiorfinnut tunniunneqarsinnaanissaannut piffissamut pilersaarummik suliaqartoqassasoq oqaatigineqarpoq. Nassuiaammut atugassamik ingeniørit suliffeqarfiat siunnersuisartog ”Rambøll” ataasiakkaanut kiassarnermut uuttuutit pillugu nassuiaammik (”Rambøll-ip Nalunaarusiaa”) aammalu kiassaateqarfinnik tigusinissamut nalunaarusiap immikkoortuanik suliaqarpoq.

Ataasiakkaanut kiassarnermut uuttuutit pillugit Naalackersuisunit nassuiaat 2017-imi februaarimi Inatsisartunut agguanneqarpoq. Nassuiaat aammalu Rambøll-ip Nalunaarusiaani inassuteqaatit tunngavigalugit, nukissamik pilersuineq pillugu Inatsisartut peqqussutaata allanngortinneqarnissaa pillugu Inatsisartut inatsisissaannut siunnersuut manna Naalackersuisut saqqummiuppaat.

Rambøll-ip Nalunaarusiaani tikkuarneqarpoq, inissiani Nukissiorfiit ungasianiit kiassarnermik pilersuiffigisaanni ataasiakkaanut atuinnermut uuttuusersuinerimi nukissamik sipaaruteqarnissaq annertuumik periarfissaqartoq. Nukissiorfiit inissianut katillugit 5.458-inut ungasianiit kiassarnermik pilersuivoq illoqarfinni agguarsimallutik: Qaqortoq, Paamiut, Nuuk, Maniitsoq, Sisimiut, Asiaat, Qasigiannugit aamma Ilulissat. Taamaattoq inissiani nukissamut uuttuutininik ingerlaannaq ikkussuisoqarsinnaalluni ikkuffilersuinerit suliarineqarsimappata, aningaasaqarnermik tunngaveqartumik taamaallaat taakkunani ataasiakkaanut kiassarnermut uuttuusersuisoqartariaqaraluarneranik inassuteqaammik nalunaarusiaq imaqarpoq.

Rambøll-ip Nalunaarusiaa malillugu inissiani qitiusumiinngitsoq kiassarnermik pilersuiviusartuni ikkuffiit allanngortinnissaat, attartortittakkami ataatsimi kr. 50.000-ingajannik akeqassaaq. Tassani illuutit 1970-ikkunneersut aammalu pisoqaanerusut pineqarnerupput, taakkunani nukissiamut uuttuutininik imaluunniit agguanermet uuttuutininik

ikkussuisinnaanissamut ruujorit ikkussukkat allanngortinneqarnissaat pisariaqarlutik.

Taamaattumik Rambøll-ip Nalunaarusiaani inassuteqaatigineqarpoq illuutini nutaajunerusuni, pitsaasumik pitsaassusilinni, ataasiakkaanut nukissamut uttuusersuineq aallartinneqassasoq. Tassani pineqarput inissiat 2,979-it, qitiusumit imermik pilersorneqartut aamma kiassarermik pilersorneqartut, teknikkikkut ataasiakkaanut kiassarermut uttuusersuinissamut piareersarneqareersimasut.

2. Siunnersuummi immikkoortut pingaernerit

Kiassarermik atuinnermut ataasiakkaanut uttuusersuinissamut siunertaavoq atuisut pissusilersortarnerannik sunniiniarnissaq, taamaalilluni nukissamik sipaarnissaq anguneqassalluni. Rambøll-ip Nalunaarusiaani allassimavoq Danmarkimi aamma Kalaallit Nunaanni misilittakkat tunngavigalugit, ataatsimoorussamiit ataasiakkaanut akiligassiisalernermi, inissiani attartortittakkani 10-40 % akornanni sipaarneqarsinnaasut.

Siunnersuummi inissiani attartortittakkani pisortanit pigineqartuni tamaginni ataasiakkaanut nukissamik uttuusersuisarnissaq pillugu aalajangersakkanik aalajangersaanissamut Naalackersuisut piginnaatinneqarnerat atuutsinneqalerpoq. Ilaatigut imaappoq inissiat attartortittakkat INI A/S-imit aammalu kommunimit pigineqartumit inissiaatileqatigiiffimmit Iserit A/S-imit aqunneqartut. Tamatuma saniatigut inissiat Illuut A/S-imit aamma aktiaatileqatigiiffinit Namminersorlutik Oqartussanit pigineqartunit allanit pigineqartut siunnersuummi pineqartunut ilaassapput. Kisianni siunnersuummi inissiat attartortittakkat namminersortunit pigineqartut imaluunniit illuutit piginnittut peqatigiiffiannit aamma piginneqatigiit peqatigiiffiannit aqunneqartut pineqartunut ilaangillat. Siunnersuummi siunertaasoq pingarneq tassaavoq nukissamik atuinnermi sipaaruteqarnissaq, inuiaqatigiit aningaasaqarnerannut isumatusaarnerusussaq aammalu attartortunut iluaqutaasussaq.

Rambøll-ip Nalunaarusiaa malillugu illuutini qitiusumiinngitsoq kiassarermik agguavaigineqartartuni agguaanermut uttuusersuinnermut aningaasartuutissat, ataasiakkaanut nukissamik uttuusersuinnermi atuisut sipaarutissaannit annertunerusinnaapput. Illuutini taakkunani kiassarermik atuinnerup 20 %-imik annikillisinneqarnerata, illuutitut nutaanagerusunut sanilliullugu, oqummik ajornartorsiuteqalernermik malitseqarsinnaanera ilimanaateqarnerusussaavoq. Kisiannili Rambøll-ip Nalunaarusiaani inassutigineqarpoq, inissiat attartortittakkat taakkua iluarsanneqarnerannut atatillugu nukissamut uttuusersuinnerit aatsaat pisinnaassasut.

Taamaattumik atuinnermut akiligassanut ataasiakkaanut uttuusersuinissamut inatsisissatut siunnersuummi piumasaqaatigineqarpoq, atuisut aningaasartuutaat sipaarutissanit atuisut ataasiakkaat sipaarutigisinnaasaannit annertunerussanngitsut. Tassa imaappoq ataasiakkaanut nukissamik uttuusersuinnernut aningaasaliinerit inuit aningaasaqarnerannut imminut

akilersinnaassasoq. Tamatuminnga naatsorsuinermit piffissaliineq ikkussuineranut ukiuni 15-ini nalikilliliiffeqartitsinermit naapertuuttoq atorineqartariaqarpoq.

Ataasiakkaanut nukissamik uuttusersuinermit atuutsitsilernerup sunniutigisussaavaa, nammineq atuinermit akiliisarnerup toqqaannartumik Nukissiorfinnut pisalnera aammalu inissiani ataasiakkaani illuummut tamarmut atuinerup annertoqatigiikkaartumik agguarneqartarunnaarnera. Atuineq ataatsimoorussa, tamanna ataasiakkaanut uuttuutini ilaatinneqarsimangippat, pisortat ingerlatseqatigiiffiannit, illuummut piginnittumit imaluunniit aqutsisuusumit, toqqaannartumik akilersinneqartassaaq.

Nukissiamik atuinermit aningaasaqarnikkut atorluanikkut sipaaruteqarnikkullu, inuiaqatigiit aningaasaqarneranni aamma avatangiisunut mingutsitsinngitsumik nukissiamik pilersuinerup siuarsarneqarnissaa pillugu peqqussummi § 1-imi siunertaasunut naapertuuttumik, ataasiakkaanut kiassarnermik uuttortaasarneq suliassaqarfittut Nukissiorfiit nukissiornermit pilersaarusiornermini ilanngussassaattut siunnersuummi ilaatinneqarpoq.

Rambøll-ip Nalunaarusiaa malillugu ingerlatsinermit allaffissornermullu tunngasunik pissuteqartumik kiassaateqarfiit kissarsuuteqarfiillu maannakkorpiaq assersuutigalugu INI A/S-imit ingerlanneqartut Nukissiorfinnut tunniunneqarnissaat peqatigisaanik pisariaqarpoq. Kiassaateqarfiit arlallit, nunatsinni illuliortiternernut annertunerusunut arlalinnut pilersuisuusut, annertunerpaatigut uuliamit kiassaasuupput. Taamaattumik kiassaateqarfiit Nukissiorfinnut tunniunneqarnerini sunniuteqarluarnerulersitsinissamut periarfissaqassasoq naatsorsuutigineqarsinnaavoq.

Nukissamik pilersuineq pillugu Inatsisartut peqqussutaanni atuuttumi nr. 14, 6. november 1997-imeersumi § 16-imi aalajangersakkami, Nukissiorfiit kiassaateqarfiit kissarsuuteqarfiillu assersuutigalugu INI A/S-imit ingerlanneqartut ingerlanneqarnerat tigussagaa pillugu Naalakkersuisut aalajangiinissamut piginnaatinneqarput.

Inatsisissatut siunnersuut inatsimmut atuuttumut sanilliullugu	
<i>Oqaasertaliineq atuuttoq</i>	<i>Inatsisissatut siunnersuut</i>
<i>Imm. 2. Pilersaarusiorneq § 1-imi siunertat taaneqartut malillugit pisassaaq. Innaallagissamik kiammillu pisariaqartitsinerup matussuserneqarnissaanut periarfissat assigiinngitsut pilersaarusiornermi erseqqissaatigineqassapput, tassunga ilanngullugit nukissamik atuinermit ileqqaarnissamut periarfissat, innaallagissap kiaallu ataatsimut pilersinneqartarnerat, nukissamik ingerlaavartumik atuineq,</i>	<i>§ 7, imm. 2, imatut oqaasertalerneqassaaq: ” Imm. 2. Pilersaarusiorneq § 1-imi siunertat taaneqartut malillugit pisassaaq. Innaallagissamik kiammillu pisariaqartitsinerup matussuserneqarnissaanut periarfissat assigiinngitsut pilersaarusiornermi erseqqissaatigineqassapput, tassunga ilanngullugit nukissamik atuinermit sipaarnissamut periarfissat, innaallagissap kiaallu ataatsimut pilersinneqartarnerat,</i>

<p>nukissiorfinnik atuilluarnerulersitsineq kiisalu ikummatissanik avatangiisinut qajassuussinerusunik atuneq.</p>	<p>nukissamik ingerlaavartumik atuneq, nukissiorfinnik atuilluarnerulersitsineq, kiassarnermut atuisut akiligassaannik ataasiakkaanut uttortaanissamut uuttuutininik ikkussuineq, kiisalu ikummatissanik avatangiisinut ajoqusiinngitsumik atuneq.”</p>
	<p>§ 15-ip kingorna ilanngunneqassaaq: ” § 15 a. Namminersorlutik Oqartussat aamma kommunit inissiaataanni attartortittakkani inissiani kiisalu inissiani aktiaatileqatigiiffinit Namminersorlutik Oqartussanit pigineqartunit pigineqartuni kiassarnermut atuinermut akiligassanik ataasiakkaarlugit uttortaanissamut uuttuutininik ikkussuisoqassasoq Naalakkersuisut aalajangersinnaavaat, tamatumani ikkussuinermut aningaasartuutit sipaarutaasussanit atuisut ataasiakkaat sipaarutigisassaannik matussuserneqarsinnaannginnerannik, immikkut illuliornermut teknikkimut tunngasut malitseqassanngippata. <i>Imm. 2.</i> Nukissiorfiit inissiani aaqqissuussinermi pineqartunut ilaasussani kiassarnermut atuinermut akiligassanik ataasiakkaarlugit uttortaanissamut uuttuutininik ikkussuinissamut piffissamut killissaliussassanut pilersaarummik suliaqassaaq. <i>Imm. 3.</i> Kiassarnermut atuinermut akiligassanik ataasiakkaarlugit uttortaanissamut uuttuutininik ikkussuinermut aammalu tassunga atatillugu illuliornermut teknikkikkut allanngortiterinernik suliaqarnermut aningaasartuutit, inissiaatini attartortittakkani imm. 1-imi taaneqartumi inissianik piginnittut akisussaaffigaat. <i>Imm. 4.</i> Nukissiorfiit uuttuutininik misissuisarneq atuaasernerlu kiisalu akiligassiisarneq pillugit maleruagassanik erseqqinnerusunik aalajangersaasinnaapput</p>

	.”
	§ 17, imm. 1-imi nr. 3-ip kingorna normutut nutaatut ilanngunneqassaaq: ”4) Kiassarnermut atuinnermut akiligassanik ataasiakkaarlugit uuttortaanissamut uuttuutit.”
	4. Inatsimmi tamarmi ”Inatsisartut” allanngortinneqassaaq imatut: ”Inatsisartut”, ”Naalakkersuisut” imatut: ”Naalakkersuisut”, aamma ”Naalakkersuisut” imatut Naalakkersuisut”.
	§ 2 Inatsisartut inatsisaat ulloq 1. januaari 2018 atuutilerpoq.

3. Pisortanut aningaasaqarnikkut allaffissornikkullu sunniutaasussat

Rambøll-ip Nalunaarusiaani inissianut 2.979-inut qitiusumit imermik kiassarnermillu agguavaigineqartareersunut, kiassarnermut aamma imermut kissartumut atugassamut nukissiamut uttuusersuinnermut aningaasartuutissat ataatsimut katillugit kr. 50.000.000-inut naatsorsorneqarput. Ukiumoortumik sipaarutaasussat, anguneqarsinnaasutut periarfissaqarfiusut ataatsimut katillugit, atuinikinnerunermi kr. 10.500.000-inut naatsorsorneqarput. Tamatuma kingunerisaanik piffissaq akiliutinik utertitsiviususaaq ukiunik 4,7-inik sivisussuseqassaaq. Pissusilersortarnerup allanngornissaa naatsorsuutigineqartoq naammassineqanngippat, piffissaq akiliutinik utertitsiviususaaq sivisunerussaaq.

Agguaanermut uuttuutitut tunngatillugu Rambøll nassuiaammi inerniliivoq, ”inissiaataasuni pineqartuni agguataarfinnik uuttuutit atugaatilermissaat inassutaasinnaanngilaq, inissiat siammartitaasumik kiassarnermik agguataarfillit ajoquteqartuummata, illunilu taakkunani 20 %-imik kiassarnermik atugaarneq annikillisinneqassappat illunut nutaanernut naleqqiullutik annertunermik ilimanaateqartumik oqoqalernermik ajornartorsiuteqartitsilissammata”. Kisiannili inassutigineqarpoq, nukissiamut uttuusersuineq illuutit iluarsanneqarnerannut atatillugu aallartinneqarsinnaasoq. Inissianut 2016-imut immikkoortumut pilersaarummi allassimavoq, inissiat taakkua amerlanerpaartaat ukiuni 0-5-ini atasinnaassuseqartut naliliisoqartoq.

Ataasiakkaanut atuinnermut uttuusersuinerup nukissamik ataatsimut katillugu atuineq annikillissisagaa, taamaalillunilu attartortut kiassarnermut akiligassaminni sipaaruteqarsinnaanissaat naatsorsuutigineqarpoq. Ataasiakkaanut atuinnermut

uuttuusersuinerimi inissiatileqatigiiffiit aamma Nukissiorfiit aningaasartuuteqartinneqassapput, taakkualu tamakkiisumik ilaannaasumilluunniit ineqarnermut akiliutip qaffaataatut aammalu uuttuutininik atuisutut akilerneqassapput.

Ajornerpaamik sunniuteqarpat Nukissiorfiit kiassarnermik tunisakinnerulerneq pissutigalugu kaaviiartitamini annaasaqassaaq. Rambøll-ip iseritassani annaasassat, kiassarnermik tunisakinnerulernerup malitsigisaanik kr. 10-17 mio. akornanniissasoq missiliorpaa. Taamaattoq Nukissiorfiit kissamik atorneqanngitsumik pisisussanik nutaanik sullitassanik nassaarsinnaappat, annaasassat annikillisinneqarsinnaapput. Kiassaateqarfiit kissarsuuteqarfiillu Nukissiorfinnut tunniunneqarnerisa malitsigisaanik uuliamik atuinikinnerulerneq, nukissiornermut kontumut (24 11 23) tunisassianut avatangiisinut akitsuutinit isertitat annikinnerulernerannik malitseqassasoq, naatsorsuutigineqartariaqarpoq.

Naatsorsuutigineqarpoq Nukissiorfiit nukissamut uuttuutininik pisissasut, aammalu Nukissiorfiit uuttuutininut atuinermut, attartortunut ataasiakkaanut qaammatikkaartumik atuinermut akiligassiinermut ilaatillugu, akiliisitsisassasoq. Nukissamut uuttuutininik ikkussineq inissiatileqatigiiffinnit isumagineqassaaq, taakkualu aningaasartuutit ineqarnermut akiliutikkoortumik akilersittassavaat. Rambøll-ip Nalunaarusiaani ikkussuinermit aningaasartuutit kr. 1.700-inut missiliorneqarput, taakkualu assersuutigalugu ukiunut 15-inut agguarneqarsinnaapput.

Nukissiorfiit atuisunik toqqaannartumik akiliisitsisarneq, taamaalillunilu akiliisitsinissamut pisussaaffik aammalu akiliineq ajortunit akiliutissamik akiliisitsiniartarneq tigussappagu, tamanna allaffissornikkut aqutsinermut aningaasartuutikinnerulernermit kinguneqassaaq. Ataatsimoorussamik atuneq, ataasiakkaanut uuttuutini ilaatinneqanngitsoq, pisortat ingerlatseqatigiiffianit, illuummit piginnittumit imaluunniit aqutsisumit toqqaannartumik akiligassiivigineqartassaaq.

Eqikkarlugu naliliisoqarpoq inissiani (2.979) qitiusumit imermik kiassarnermillu agguaaviusartuni ataasiakkaanut atuinermut uuttuuteqartitsilernerimi inuiaqatigiinnut annertuunik iluanaaruteqarfiussasoq.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuutip inuussutissarsiortunut aningaasaqarnikkut allaffissornikkullu sunniuteqarnissaa naatsorsuutigineqanngilaq. Inissiat attartortittakkat namminersortunit pigineqartut, piginneqatigiitt aamma piginnittut peqatigiiffii siunnersuummi pineqartunut ilaangillat. Kiassaateqarfiit Nukissiorfinnut tunniunneqarnerini, ungasianiit kiassarnermik pilersuinerup sunniuteqarnerulersinneqarnerani, inissiat attartortittakkat namminersortunit pigineqartut Nukissiorfinnit kiassarnermut pilersuinermit ikaarsaarnermi ataasiakkaanut atuinermut uuttuusersuinissaq pilersuinermit ineqassaaq. Inissiat attartortittakkat namminersortunit pigineqartut taamaalillutik nukissamik atuinermup annikillisinnaasanut taakkua assinginik

periarfissaqalissapput.

5. Avatangiisinut, pinngortitamut aamma inuit peqqissusaannut sunniutaasussat

Ataasiakkaanut atuinnermut uuttusersuinnermi ataatsimut katillugu nukissiamik atuineq annikillisinneqassaaq, taamaalillunilu nunap iluaneersunik ikummatissanik ikuallaanermi, avatangiisinut, pinngortitamut aamma inuit peqqissusaannut iluaqutaasumik aniatitsinerup annikinnerunissaa qulakkeerneqassalluni.

6. Innuttaasunut sunniutaasussat

Ataasiakkaanut atuinnermut uuttusersuinnermi ataatsimut katillugu nukissiamik atuineq annikillisinneqassaaq, taamaalillunilu attartortut kiassarnermut akiligassami sipaaruteqarsinnaalersinnaanerit qulakkeerneqassalluni. Ataasiakkaanut atuinnermut uuttusersuinnermi inissiatileqatigiiffiit aamma Nukissiorfiit aningaasartuuteqartinneqassapput, taakkualu tamakkiisumik ilaannaasumilluunniit ineqarnermut akiliutip qaffanneratigut aammalu uuttuutunik atuisutut attartortumit akilerneqassapput. Ataatsimut katillugit sipaarutaasussat aningaasartuutissanit annertuneruppata, atuisoq ataatsimut katillugu sipaaruteqassaaq, aammalu ataasiakkaanut atuinnermut uuttuisarnermut aningaasaliineq inuit aningaasaqarnerannut imminut akilersinnaassaaq. Inuit aningaasaqarnerannut imminut akilersinnaatillugu ataasiakkaanut atuinnermut uuttusersuisoqassasoq Naalakkersuisut siunnersuummi siunnerfigaat.

7. Sunniutaasussat annertuut allat

Siunnersuutip annertuunik allanik sunniuteqarnissaa naatsorsuutigineqanngilaq.

8. Oqartussanut kattuffinnullu il.il. tusarniaaneq

Siunnersuut piffissami 9. maaji 2017-imiit 7. juuni 2017-imut tusarniaaffigineqartunut makkununga tusarniaassutigineqarpoq:

GE - Sulisitsisut

INI

Iserit A/S

Illuut A/S

SIK

KANUKOKA

Kommuneqarfik Sermersooq

Qaasuitsup Kommunia

Qeqqata Kommunia

Kommune Kujalleq

IMAK

Naalakkersuisut Siulittaasuata Naalakkersuisoqarfia

Aningaasaqarnermut Naalakkersuisoqarfik

Aatsitassanut Ikummatissanullu Naalakkersuisoqarfik
Nunanut Allanut Pisortaqarfik
Ineqarnermut, Sanaartornermut Attaveqarnermullu Naalakkersuisoqarfik
Aalisarnermut, Piniarnermut Nunalerineremullu Naalakkersuisoqarfik
Peqqissutsimut Naalakkersuisoqarfik
Isumaginninnermut, Ilaqutariinnut, Naligiissitaanermut Inatsisinillu Atortitsiner
Naalakkersuisoqarfik
Ilinniartitaanermut, Kultureqarnermut, Ilisimatusarnermut Ilageeqarnermullu
Naalakkersuisoqarfik
Pinngortitamut, Avatangiisinut Nukissiuuteqarnermullu Naalakkersuisoqarfik

Siunnersuut piffissami tassani aamma Namminersorlutik Oqartussat tusarniaanermut
nittartagaanniitinneqarpoq.

Makkunanga tusarniaanermut akissuteqaat tiguneqarpoq:

Kommune Kujalleq
IMAK
Naalakkersuisut Siulittaasuata Naalakkersuisoqarfia
Aningaasaqarnermut Naalakkersuisoqarfik
INI A/S
Iserit A/S
Illuut A/S
SIK
KANUKOKA
Kommuneqarfik Sermersooq

Tusarniaanermut akissuteqaatit tamarmik tamakkiisuutillugit Inatsisartuni ataatsimiititaliamut
suliarinnittussamut ilanngullugit nassiunneqarput.

Naalakkersuisut Siulittaasuata Naalakkersuisoqarfia inatsisissatut siunnersuummut immikkut
oqaaseqaatissaqanngilaq.
IMAK siunnersuummut tapersiisinnaavoq. Kommuneqarfik Sermersooq, kommunimit
Nukissiorfinnut kiassaateqarfinnik tunniussineq, kiassarnermut akeqartitsinerup atuisunut
tunngatillugu allanngortinneqarneranik malitseqassanngitsoq kommunip naatsorsuutiginerata
saniatigut, siunnersuummut oqaaseqaatissaqanngilaq.

Tulliuttuni tusarniaanermut akissuteqaatit allat, tusarniaanerup nalaani tiguneqartut,
sammineqarput. Oqaatigineqassaaq tusarniaanermut akissuteqaatit, uingasumik allassimasut,
pingaaruteqarneranik nalilersuineq tunngavigalugu pingaarnertiguinnaq issuarneqarmata.

KANUKOKA-p inatsisissatut siunnersuutip siunertaa, nukissiamik atuinnermut sipaaruteqarnissaq, aammalu sipaarutaasut taakkua attartortunut iluaqutaatinneqarnissaat, taperserpai. Taamaattoq KANUKOKA isumaqarpoq inatsisissatut siunnersuut inatsisinut allanut tunngatillugu ersarinngitsunik imaqartoq, tassani KANUKOKA-p attartortitsisarnermut peqqussummi § 29-imi ataasiakkaanut imermut uttuusersuinissamut pisussaaffeqarneq pillugu maleruagassat innersuussutigalugit. Inatsimmi maleruagassap siunnersuutigineqartup, maleruagassanut atuuttunut naapertuuttunngortinneqarnissaa pisariaqartoq KANUKOKA isumaqarpoq, ilanngullugu attartortitsisarnermut peqqussummi 29 atorunnaarsinneqassanersoq nalilersorneqassasoq.

Inissianik attartortitsisarneq pillugu Inatsisartut peqqusutaat nr. 2, 12. maj 2005-imeersumi § 29-imi aalajangersagaq imermut uuttuutunik ikkussuinissamut attartortitsisup pisussaaffeqarneranut tunngassuteqarpoq, taamaalilluni illuummi imermut nillertumut kissartumullu atuinnermut tamarmiusumut aningaasartuutunut akiliisitsineq, ataasiakkaat atuinerat malillugu attartortittakkanut ataasiakkaanut agguarneqarsinnaassallutik. Siunnersuummi matumani Namminersorlutik Oqartussat aamma kommunit inissiaataanni attartortittakkani inissiani aamma inissiaatini attartortittakkani Namminersorlutik Oqartussat suliffeqarfiutaannit pigineqartuni inissiani, ungasianiit kiassarnermik Nukissiorfinnit pilersuiffigineqartumik pilersorneqartuni kiassarnermut atuinnermut ataasiakkaanut uttuusersuinissamik Nukissiorfiit piginnaatinneqarput. Siunnersuutip taamaalilluni attartortitsisarnermut peqqussummut sanilliullugu atuuffissaa ersarissumik allaanerussuteqarpoq.

KANUKOKA isumaqarpoq, inatsisip atuuffissaasa killissalersorneqarnerannut tunngasunik ersarinngitsunik inatsisissatut siunnersuut imaqartoq. KANUKOKA-p oqaatigaa inatsisissatut siunnersuummut nassuiaatini nalinginnaasuni imm. 2-ip oqaasertaanni oqaatsip "inissiaatit attortortittakkat toqqaannngitsumik pigineqartut" atonerani, inatsisip oqaasertaata (ersarissumik) nassuiarneqarneranut tunngatillugu, inatsisip atuuffissaa taamaalilluni annertusitinneqarniarnersoq nalornilersitsisinnaasoq.

Immikkoortoq 2-imi aamma immikkoortoq 4-imi nassuiaatini nalinginnaasuni ersarissumik allassimavoq inissiaatit attartortittakkat namminersortunit pigineqartut siunnersuummi pineqartunut ilaannngitsut, taamaallaat inissiaatit attartortittakkat pisortanit toqqaannartumik imaluunniit toqqaannngitsumik pigineqartut siunnerfigineqartut.

KANUKOKA isumaqarpoq allaffissornikkut aqutsinermut tunngavissarititaasoq (INI A/S aamma Iserit A/S) inatsisip oqaasertaata nassuiaataanut imaaliallaannaq naapertuutinnngitsoq, tassami allaffissornikkut aqutsinermut tunngavissarititaasoq taamaattoq, allaffissornikkut aqutsinermut ingerlatseqatigiiffik pineqartoq inissianik attartortitsisartunut, inatsimmi pineqartunut ilaasussatut naatsorsuutigineqannngitsunut, aqutsinissamut isumaqatigiissuteqarsinnaassappata, inissiaatit attartortittakkat, pisortani

oqartussamit imaluunniit ingerlatseqatigiiffimmit pisortani oqartussanit pigineqartumit pigineqartuunngitsut ilaatilerlugit inatsisip annertusitinneqarneranik malitseqarsinnaassaaq. KANUKOKA-p tassani inissiaatileqatigiiffimik pilersitsisarneq pillugu Inatsisartut peqqussutaanni § 2, imm., 4 innersuussutigaa.

Taamaattumik KANUKOKA-p inassutigaa inatsisissatut siunnersuummi nassuiaatini nalinginnaasuni allaffissornikkut aqutsinermut tunngavissarititaasoq peerneqassasoq.

INI A/S aamma Iserit inissiaatit attartortittakkat pisortat toqqaannartumik imaluunniit toqqaannangitsumik pigisaasa amerlanerpaartaat, siunnersuummi pineqartunut ilaasut assersuusiorniarlugit taaneqarput. Taamaalilluni inatsisissatut siunnersuutip atuuffissaatut eqqarsaatigineqartoq aalajangersarniarlugu, inatsimmi tunngavissarititaasoq kinaassusersiunngitsumik piumasaqaatigineqartutut paasineqartussaq tassani pineqanngilaq. Aammattaaq matuma siuliani allassimasoq innersuussutigineqarpoq, inissiaatit attartortittakkat namminersortunit pigineqartut siunnersuummi pineqartunut ilaangitsut, taamaallaat inissiaatit attartortittakkat pisortanit toqqaannartumik imaluunniit toqqaannangitsumik pigineqartut siunnerfigineqartut.

Kommunit, ilanngullugit kommunini inissianut immikkoortortaqrifiit, Nukissiorfiit aallartitaanik nukissamik uuttuutinik ikkussuineranut ingerlatsinermullu aningaasartuuteqartinneqannginnissaat KANUKOKA-p ersarissumik tunngavissaritippaa. Taamaattumik KANUKOKA inatsisissatut siunnersuummi nassuiaatini nalinginnaasuni imm. 3-imi isummersornernut isumaqataasinnaanngilaq, tassani ilaatigut allassimammat:

”Nukissiorfiit nukissamik uuttortaatinik pisiortuinissaat, aamma attartortunut ataasiakkaanut qaammatikkaartumik atugarisanut akiligassap ilaatut uuttortaatinut pisartagarisanik Nukissiorfiit akileeqqusisarnissaat tunngavigisaavoq. Nukissamik uuttortaatinik ivertiterinerit inissiaatileqatigiinnit isumagineqarsinnaapput, taakku inimik attartornermut akiliutikkut ivertiterineranut aningaasartuutaasumik akileeqqusissallutik.”

Kommunit inissiaataanni attartortittakkani ineqarnermut akiliutip aalajangersarneqarnera, attartortitsisarnermut peqqussutip kommuninut killissaliussaasa iluanni aalajangerneqartarpoq, taamaattumillu ingerlatseqatigiiffiup kommuni isumaqatigiissuteqarfigalugu taassuma inissiaataannik attartortittakkanik aqutsisuusup, pisortani oqartussamit allamit suliassamik tigusilluni, ineqarnermut immikkoortortaqrifiit ingerlatsinermut aningaasartuutaannut pisussaaffiliissappat, kommunimit ataasiakkaatigut akuersinissaq pisariaqartussaavoq. Taamaaqataanik kommuninut nammineerlutik inissiaatiminnik attartortittakkanik aqutsisunut tamanna atuutissaaq, tamanna pillugu isumaqatigiissuteqartoqarsimanngippat, pisortani oqartussamit allamit suliassamik tigusinissamik taakua pisussaaffilerneqarsinnaanngitsut.

Teknikkikkut ikkussukkani allangortitsinerit suliassaapput illuummik piginnittunit ataasiakkaanit pisussaaffigineqartut, ilanngullugu taanna aamma teknikikkut allangortitsinerit pisariaqartunut aningaasalersuisussaasoq. Nukissiorfiit taamatuttaaq – ikkussuinerit allat assigalugit – Kamstrup-uuttortaariaatsimi tassunga assigiissaaganngorlugi atugassiaasumi uuttuutini pisariaqartunut pilersuisussaapput. Siunnersuutip ersarinngitsoqarsinnaanera iluarsiniarlugu siunnersuummi § 15 a, imm. 3-imi aalajangersagaq nutaaq ilanngunneqarpoq:

” Imm. 3. Kiassarnermut atuinerit akiligassanik ataasiakkaarlugit uuttortaanissamut uuttuutini ikkussuinerit aammalu tassunga atatillugu illuliornerit teknikikkut allangortiterinerit suliqaarnermut aningaasartuutit, inissiatini attartortittakkani imm. 1-imi taaneqartunni inissianik piginnittut akisussaaffigaat.”

Attartortitsisarnermut peqqussut aammalu attartortitsisarnermut suliassaqarfimmi suleriaatsit malillugit inissiatini attartortittakkani pisortanit pigineqartuni ineqarnermut akiliut aallaaviatigut aningaasartuutit aalajangigaasumik attartortitsinerit akigititassat aalajangersarneqartarpoq. Pitsanngorsaanerit nutarterinerinullu suliqaarnermut aningaasartuutit, assersuutigalugu allangortiterinerit, ilanngullugit nukissiamik sipaarutaasussanik iliuseqarnerit aamma teknikikkut ikkussuinerit, aningaasartuutaapput attartortitsisarneq pillugu inatsisit atuuttut malillugit aningaasartuutit aalajangigaasumik attartortitsinerit akigititassamik naatsorsuinerit ilanngunneqarsinnaasut. Attartortitsisarnermut peqqussut aammalu ineqarnermut akiliutip aalajangersarneqarnerani aningaasartuutit aalajangigaasumik attartortitsinerit akigititassat pillugit tunngaviusut atorneraranni, kommunit aammalu inissiatileqatigiiffit kommuninit pigineqartut, kiassarnermut uuttuutini ikkussuinerit aningaasartuutit akilikkatik tamakkiisumik matussusertittussaavaat. Aammattaaq oqaatigineqassaaq ataasiakkaanut kiassarnermut uuttusersuineq kommunit ingerlatsinerit nutaanik suliassaqalernerannik malitseqartussaangimmat. Paarlattuanik ataasiakkaanut kiassarnermut uuttusersuinerit kommunit aammalu inissiatileqatigiiffit kommuninit pigineqartut allaffissornikkut suliassakinnerulernerannik malitseqartussaapput, tassami kiassarnermik atuinerit akiligassisarnerit aammalu akiliisitsiniartarnerit Nukissiorfinnit tiguneqartussaammata.

SIK-p inatsisissatut siunnersuummut tunngaviusut siunertaasut taperserpai aammalu isumaqarluni ataasiakkaanut kiassarnermut uuttuisarneq, avatangiisinut taamatullu attartortut ataasiakkaat aningaasaqarnerannut iluaqutaasumik, nukissiamik atuinerup annikillissinnissaanut sakkussaalluartaasat. Ataasiakkaanut uuttortaaarnissamut uuttuutini ikkussuinerit, atuisumut aningaasartuutit sipaarutaasussamit atuisut ataasiakkaat sipaarutigisinnaasaannit annertunerussanngitsut, inatsisissatut siunnersuummi piumasaqaatigineqarmat SIK-p neriulluarnartutut isigaa. Uuttuutini ikkussuinerup, atuisunut ataasiakkaanut imminut akilersinnaanera pilersaarusernerit ilaatinneqarluni, ataatsimoortumik pilersaarut aallaavigalugu pisussaana, SIK-p aamma neriulluarnartutut

isigaa. Uuttuutinin ikkussuinermit kina akiliissanersoq erseqqissarneqarnissaa SIK-p ujartorpaa.

Inissiaatini attartortittakkani imm. 1-imi taaneqartuni piginnittut uuttuutinin ikkussuinermit akiliinissamik aammalu illuliornermut teknikkikkut allanngortitsinissat pisariaqartut suliarinissaannut pisussaaffeqartut, § 15 a-imi imm. 3 nutaap ilanngunneqarnerani erseqqissarneqarpoq.

Nukissiamik atuinermut ingerlatsineq allaffissornikkullu aqutsineq taassuminnga pilersuisumit, Nukissiorfinnit, isumagineqartariaqartoq INI A/S-ip isumaqatigaa.

INI A/S isumaqarpoq kiassarnermut uuttuutinin ikkussuinermit aningaasaqarnikkut periarfissaqarfiusunik eqqornerusumik naatsorsuisoqartariaqaraluartoq. INI A/S-ip Sisimiuni misilittagaasa takutippaat inissiat ilaanni 30 % angullugu sipaartoqarsinnaasoq, allanilu kiassarnermik atuneq annertunerpaatigut annikillisimanngitsoq. Attartortittakkap annertussusaa, najugaqartut inissisimanerat amerlassusaallu, tunngaviusarput naatsorsuinerni imminut akilersinnaassutsimut annertuumik nikisitsisinnaasut.

Nukissamik sipaaruteqarsinnaanermut periarfissaqarfiusut illuummiit illuummut nikerarsinnaassapput, inissisimaffia, illuliornermi teknikkimut tunngasut, aserfallatsaaliorneqarnerata pitsaassusaa il.il. apeqqutaallutik, tamannalu aamma Rambøll-ip Nalunaarusiaani nassuiarneqarpoq. Aamma tamanna tunngavigalugu siunnersuummi siunnersuutigineqarpoq, kiassarnermut atuinermut akiligassanik ataasiakkaanut uuttortaanissamut uuttuutinin ikkussuineq, pilersaarusiorneq illuummik piginnittunut allaffissornikkullu aqutsisunut ataqatigiissaakkami suliarineqartoq malillugu pissasoq, taamaalilluni tunngavissat nukissiamik atuinermi annikillisitsinissap siunertarineqartup angunissaanut pingaaruteqarsinnaasut eqqarsaatigineqassallutik.

INI A/S-ip eqqumaffigeqquaa ataatsimoorussanut nukissiamik atuinermut aningaasartuutit ullumikkut inissiarsuarmi attartortittakkanit tamaginnit akilernerqartartut. Aningaasartuutit taakkua siunissami inissianut immikkoortortanit akilernerqartassappata, taakkua aningaasaqarnikkut nanertorneqalertussaapput. tamanna aamma aningaasartuutininut aqqusersuutini kissamik annaasaqarnerup pissusissamisoortumik malitsigisaannut atuuppoq.

Kiassarnermut uuttusersuinermit aningaasartuutit ineqarnermut akiliutikkoortumik akilernerqartarnissaat INI A/S-ip inassutigisinnaanngilaa. Inatsisissatut siunnersuutip siunertaata ilaa naatsorsuutigineqarpoq tassaasoq, nukissiamik atuinermut tunngatillugu ineqarnermut akiliummi avissaartitsinissaq. Taamaattumik aningaasartuutit nukissiamik atuinermut akiligassiinikkut akilernerqartariaqaraluarput, ineqarnermut akiliutikkoortinnagit.

Pitsanngorsaananerit nutarterinerinullu suliaqarnernut aningaasartuutit, ilanngullugit nukissiamik sipaarutaasussanik iliuuseqarnerit aamma teknikkikkut ikkussuinerit kiisalu ataatsimoorussanut nukissiamik atuinermut aningaasartuutit, tamarmik aningaasartuutaapput suleriaatsit aammalu attartortitsisarnermut inatsit atuuttoq malillugit aningaasartuutinit aalajangigaasumik attartortitsinermit akigititassamik naatsorsuinermit ilanngunneqartussat taamaalillunilu naggataatigut attartortunit akilerneqartussat.

INI A/S isumaqarpoq, siunnersuummi suliaasaqarfiup aaqqissugaaneranut isummertoqanngitsoq aammalu kiassarnermut immikkoortortaqaarfii ataqatigiinningsinnaasut. Tassunga ilanngutissaaq kiassarnermut immikkoortortaqaarfimmiissinnaammata inissiat Namminersorlutik Oqartussanit aamma kommuninit pigineqartut, kiisalu pisuni aalajangersimasuni, pigineqatigiilluni imaluunniit piginnittut peqatigiiffii. Aaqqissuussinerup pisariusup taassuma, siunnersuut ulluinnarni malinneqartussanngorpat, isumaliutersuutini ilaatinneqarnissaa pisariaqarpoq. Aammalu pingaartumik attartortittakkani 3.000-ingajanni taamaallaat uuttuusersuisoqassappat, sinneri agguasaarnermut tunngaviusut malillugit, maannakkutut, aqunneqartussaallutik. Tamanna allaffissornikkut aqutsinermit pisussami kukkusoqarsinnaaneranik annertuumik aarlerinaateqartussaavoq, tassungalu ilanngutissaaq, suliaasaqarfimmi marloqiusamik allaffissornikkut aqutsisoqarnerata ingerlaannartussaanera. Taamaattumik imeqarnermut kiassarnermullu suliaasaqarfimmi siunissami allaffissornikkut aqutsineq Nukissiorfinnit imaluunniit INI A/S-imit isumagineqassanersoq, sukumiisumik oqallisigineqarnissaa pisariaqarpoq. Siunnerfiusoq tassaasariaqarpoq inuiaqatigiit aningaasaqarnerannut annerunerpaamik iluanaarutaasusaaq, aammalu marloqiusamik allaffissornikkut aqutsisoqannginnessaa.

Ukiut sisamat ingerlaneranni kiassaateqarfiit kissarsuuteqarfiillu tunniunneqarnissaat siunnersuutigineqarpoq. INI A/S-ip piffissaq taamatut siviutigimmat paasisinnaanngilaa. Ilaatigut INI A/S isumaqarpoq sukkasuumik kiassaateqarfiit tunniunneqartariaqaraluartut, illuartitat atugassiissutaasut ilanngullugit. Tamanna tamatuma kingorna ataatsimoorumik pingaarnersiuiinissamat periarfissiissaaq, aamma ungasianiit kiassarnermut ataqatigiissitsinermit tunngatillugu. Ilaatigut maannakkorpiaq kiassaateqarfiit taakkualu qanoq issusaat paasisimaarilluarneqarput, tamatumalu sukkasuumik tunniussinissaa ajornarunnaarsippaa. Erseqqissarneqassaaq nalunaarusiami kiassaateqarfiit 30-it kisitsit taaneqarmat. INI A/S-ip naatsorsugaasa takutippaat kiassaateqarfiit uuliatortumik kiassaateqarfik qaqugukkut Nukissiorfinnit ingerlanneqartariaqarnermoq, imaluunniit kiassarnermut immikkoortortaqaarfikkoortumik INI A/S-imit ingerlanneqaannassanersoq, killissaliisoqartariaqarpoq.

Kiassarnermut atuinermut akiligassanik ataasiakkaanut uuttortaanissamat uuttuutit ikkussuineq, inuiaqatigiit aningaasaqarnerannut iluaqutissartaqartillugu aammalu attartortunit inuit aningaasaqarnerannut iluaqutissartaqartillugu pissasoq, siunerfigineqartussanngorlugu

siunnersuut ilusilersorneqarpoq. Tamanna tunngavigalugu atuinermut akiligassanut ataasiakkaanut uuttortaanissamut uuttuutini ikkussuineq, inissiatini attartortittakkani nutaanerusuni attartukkani 3.000-ingajanni, aningaasaqarnikkut teknikkikkullu iluaqutaasussamik ingerlanneqartussaavoq. Nukissamik pilersuineq pillugu Inatsisartut peqqussutaanni atuuttumi § 16-imi aalajangersagaq malillugu, tamanna naapertuunnerpaatut nalilerneqarpat, kiassaateqarfiit INI A/S-imit ingerlanneqartut Nukissiorfiit tigussagaat Naalackersuisut aalajangersinnaapput. Nukissiorfiit kiassaateqarfinnik tigusinerat, pilersaarusiornermi aalajangersimasumi aammalu atuinermut akiligassanik ataasiakkaanut uuttortaanissamut uuttuutini ikkussuinerup ingerlanneqarnissaanut qitiusunut ilaasussaavoq.

INI A/S siusinnerusukkat allanneqartut, attartortittakkani tamaginni ataasiakkaanut kiassarnermut uuttuusersuinissamut isumaqataavoq. Aammalu ingerlatsinerup tunisassiornerullu siunissami Nukissiorfinnit isumagineqarnissaanut. Taamaattoq inuiaqatigiinnut iluaqusiinissaq kissaatigineqartoq piviusunngortinneqassappat, siunnersuutip saqqummiunneqarnerani arlalinnik ajornartorsiuteqarpoq, paasinarsisinneqartariaqartunik.

Inissiatini attartortittakkani siunnersuummi pineqartunut ilaasuni, inissiani kiassarnermut atuinermut akiligassanik ataasiakkaanut uuttortaanissamut uuttuutini ikkussuinissamut, pilersaarusiornissaq aammalu teknikkikkut suliassatigullu ajornartorsiutini arlalinnik paasinarsisitsinissaq pisariaqarpoq. Tunngavissaritinneqarpoq pisariaqartumik piffissaliisoqassasoq, aammalu pilersaarusiorneq illuutitut piginnittut aamma allaffissornikkut aqutsisut, soorlu INI A/S aammalu inissiatileqatigiiffiit pisortanit pigineqartut allat, suleqatigalugit ataqatigiissaagaasumik ingerlanneqassasoq.

Illuut A/S-ip atuinermut akiligassanik ataasiakkaanut uuttortaanissamut uuttuusersuinissaq pillugu siunnersuut taperserpaa, kisianni eqqumaffigeqqullugu Illuut A/S illuutini arlalinni akuleriinnik piginnittoqartuni, inissianik piginnittuusoq. Illuut A/S-ip piginnittut peqatigiiffi aamma Nukissiorfiit ataatsimoorussamik aaqqiissutissarsinissaq pillugu oqaloqatigissavai.

Illuutit taakkua akuleriinnik piginnittoqartut pillugit ataasiakkaanut kiassarnermut uuttuusersuinermut, inuiaqatigiit aningaasaqarnerannut aammalu atuisunut aaqqiissutissaq pitsaasoq, akuusut akornanni isumaqatigiissuteqarnikkut oqaloqatigiinnikkullu nassaarineqarsinnaavoq.

Aningaasaqarnermut Naalackersuisoqarfiup eqqumaffigeqquaa, kiassaateqarfiit kissarsuuteqarfiillu Nukissiorfinnit tiguneqarnerisa malitsigisaanik uuliamik atuinikinneruneg, siunissami nukissiornermut kontumi (24 11 23) tunisassianut avatangiisinut akitsuutini isertitassat apparnerannik malitseqassasoq naatsorsuutigineqartariaqartoq, kisianni avatangiisinut ajoqusiisumik sunniisarnerit annikillisinneqassasut.

Aningaasaqarnermut Naalakkersuisoqarfiup oqaatigaa, illoqarfinni erngup nukinganic atuiiffiusuni atuinikinneruneq, naggataatigut attartortut aningaasartuutikinnerulernerannik malitseqanngissinnaasoq. Atuinermut akitsuut inaarutaasoq inissiaatileqatigiiffiit aamma Nukissiorfiit aningaasartuuteqarnerulersinneqarnerannit sunnerneqassasoq naatsorsuutigineqartariaqarpoq. Pingaartumik Nukissiorfiit kissamik atorineqanngitsumik pisisussanic nutaanik nassaarsinnaassanngippat. Ataasiakkaanut kiassarnermut uuttuutit Nukissiorfiit kiassarnerup annertunerulersinnissaanut aningaasaliinissaannik kinguartitseqataasinnaavoq.

Aningaasaqarnermut Naalakkersuisoqarfiup tusarniaanermut akissuteqaataanut, ataasiakkaanut kiassarnermut uuttuutit pillugit Naalakkersuisunit nassuiaat aammalu Rambøll-ip Nalunaarusiaa innersuussutigineqarput. Aammattaaq § 15 a, imm. 1-imi aamma imm. 3-imi aalajangersakkanut nutaanut siunnersuutigineqartunut nassuiaatit innersuussutigineqassapput.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

§ 7, imm. 2-imut

Aalajangersakkami maannakkut aalajangersagaq allanngortinneqarpoq, kiassarnermut atuinermut akiligassanik ataasiakkaanut uuttortaanissamut uuttuutunik ikkussuinissaq pillugu apeqqut, siunissami § 1-imi peqqussutip siunertaanut naapertuuttumik nukissiornermi pilersaarusiorderup ilaatut ilaatinneqartalissalluni. Ilanngussineq taanna inatsisissatut siunnersuummi, § 15 a, imm. 2-imi inissiaatini attartortittakkani pisortanit pigineqartuni kiassarnermut atuinermut akiligassanik ataasiakkaanut uuttortaanissamut uuttuutunik ikkussuinissamut Nukissiorfiit pilersaarutaat aamma piffissanut killissalersuinerit pillugit aalajangersakkamut nutaamut ataqatigiissillugu isigineqassaaq.

Nr. 2-imut

§ 15 a, imm. 1-imut

Aalajangersagaq inissiaatini attartortittakkani Namminersorlutik Oqartussanit aamma kommuninit pigineqartuni inissianut kiisalu inissiaatini attartortittakkani aktiaatileqatigiiffinnit Namminersorlutik Oqartussanit pigineqartuni inissianut atuuppoq. Naalakkersuisut aalajangersagaat erseqqinnerusut malillugit Nukissiorfiit inissiaatinut attartortittakkanut pisortanit pigineqartunut illuummi piginnittoq teknikkikkut ikkussuinernik, kiassarnermut atuinermut akiligassanik ataasiakkaanut uuttortaanissamut uuttuutunik ikkussuinissamut pisariaqartunik, suliaqarnissamik pisussaaffilersinnaavaat. Piginnaatitaanerup atornerarnerani pilersaarusiaq § 15 a, imm. 2-imi aalajangersagaq malillugu Nukissiorfiit suliarisassaasat tunngavigalugu Naalakkersuisut aalajangiissapput. Nukissiorfiit tassunga ilanngullugu inissiaatini attartortittakkani aalajangersimasuni ikkussuinermut aningaasartuutit, sipaarutissanit, attartortut ataasiakkaat inuit aningaasaqarneranni imminut akilersinnaanera aallaavigalugu, sipaarutigisinnaasaannit, matussuserneqarsinnaannginnerannik malitseqartussanik, illuliornermi teknikkimut tunngasunik immikkut ittunik atuuttoqarnerisooq, aningaasaqarnikkut nalilersuissapput. Tamatuminnga naatsorsuinermi piffissaq ukiunik 15-inik sivisussuseqartoq atornerarsinnaavoq, ukiuni 15-ini ikkussuinernut nalikillilerinerup ingerlatinneqarnissaanik naatsorsuutigisaqarnermut naapertuuttumik.

§ 15 a, imm. 2-imut

Nukissiorfiit aalajangersagaq malillugu illuummik piginnittoq suleqatigalugu piffissamut iliuusissanullu pilersaarummik suliaqassaaq, atuinermut akiligassanik ataasiakkaanut uuttortaanissamut uuttuutunik ikkussuinissamut piffissamut killiliussanik imaqartumik. Pilersaarut taanna Naalakkersuisut inissiaatini attartortittakkani inatsimmi pineqartunut

ilaasuni ataasiakkaanut kiassarnermik uttortaasarneq pillugu imm. 1 malillugu aalajangiisinaanissaannut imaluunniit § 15a, imm. 1-imi aalajangersagaq malillugu ilaatitsinnginnissaannut, tunngavissaliissaaq. Pilersaarut pilersaarusiornissamut pisussaaffeqarnermut nalinginnaasumut Nukissiorfinnut Inatsisartut peqqussutaanni § 7-imi aalajangersagaq malillugu suliaqarnissamik pisussaaffiliunneqartumut, naapertuuttumik aammalu tassunga atatillugu suliarineqartassaaq.

15 a, imm. 3-imut

Aalajangersagaq malillugu illuummik piginnittup aningaasartuutit uuttuutini ikkussuinermit atasut akilertussaavai, ilanngullugulu § 15 a, imm. 2-imi aalajangersagaq malillugu pilersaarut suliarineqarsimasoq malillugu illuliornermi teknikkikkut allanngortitsinissat pisariaqartut suliarisussaallugit. Inissiaatini attartortittakkani pisortanit pigineqartuni ineqarnermut akiliut, ineqarnermut immikkoortumi isertitat aningaasartuutitut naapertuutissasut tunngavissarititaasoq aallaavigalugu, aalajangerneqassaaq. Pitsanngorsaanermit nutarterinermullu aningaasartuutit, soorlu allanngortiterinerit, ilanngullugit nukissiamik sipaaruteqarnissamut iliuuseqarnerit aamma teknikkikkut ikkussuinerit, aningaasartuutaapput, attartortitsisarneq pillugu inatsisit atuuttut malillugit aningasartuutitut aalajangigaasumik attartortitsinermit akigititassamik naatsorsuinermit, ilanngunneqarsinnaasut.

Uttuutini pisinermit aningaasartuutit Nukissiorfinnit akilerneqartut, atuisuunermit akiliinernit, kiassarnermit atuinerup akilerneqarneranut ilanngullugu akilersinneqartussanit, matussuserneqarsinnaavoq.

§ 15 a, imm. 4-imut

Aalajangersakkami atuinerup akiligassiinerullu eqqortumik tunngavilimmik naatsorsorneqartarneranik qulakkeerisumik, kiassarnermit akiliutissamik akiliisarnermik aqutsinissaq akiliisitsisarnissarlu pillugit aalajangersakkanik erseqqinnerusunik aalajangersaanissamut Nukissiorfiit piginnaatinneqarput.

Nr. 3-imut

§ 17, imm. 1-imut

§ 17, imm. 1-imi nr. 4-imik nutaamik ilanngussinermit, Nukissiorfiit piginnaatinneqarnerat, aamma kiassarnermit atuinermit akiligassanik ataasiakkaanut uuttortaanissamut uuttuusiinissamut, aserfallatsaaliuinissamut aqutsinissamullu aalajangersakkanik aalajangersaanissaq ilaaterlugu, annertusineqarpoq. Taamaalillutik Nukissiorfiit ilaatigut uuttuutini atorneqaqqusaasunik akuersissuteqarnissaq aammalu Nukissiorfinnit ungasianiit kiassarnermik pilersorneqarsinnaanissamut piumasaqaatitut ikkussuininissamut aserfallatsaaliuinissamullu aalajangersakkanik aalajangersaasinnaassapput.

Nr. 4-imut

Siunnersuummi Inatsisartut peqqussutaat namminersornermut inatsimmi oqaatsinut atorneqartunut naapertuuttunngortinneqarpoq.

§ 2-imut

Siunnersuutigineqarpoq Inatsisartut inatsisaat ulloq 1. januaari 2018 atuutilissasoq.